



Publicaziuns dalla vischnaunca, jamna 31

Damondas da baghegiar

2020-1044.000

Datum dalla publicaziun: ils 31 da fenadur 2020

Il patrun: Martin Flury, Via Buretsch 12, 7186 Segnas

Object: Engrondaziun dils balcon existents, parcella 2223, Via Buretsch 12, 7186 Segnas

2020-1045.000

Datum dalla publicaziun: ils 31 da fenadur 2020

Il patruns: Peter Zuber e Gloria Grimmer, Zugerstrasse 16, 6330 Cham

Il representant: Scrinaria Giusep Cajacob, Via Quadras Sut 9, 7175 Sumvitg

Object: Sanaziun ed engrondaziun dil balcon existent, parcella 655, Via Sontga Gada 3, 7180 Disentis/Mustér

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 31 da fenadur 2020

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1030.000

Anna Durschei, Via Buretsch 2, 7186 Segnas: engrondaziun dil lidimer existent, edifeci nr. 307-b, parcella 191, Pignola, 7186 Segnas.

Disentis/Mustér, ils 31 da fenadur 2020

Uffeci da baghegiar Disentis/Mustér

Elecziuns communalas 2020

Quest atun han liug las elecziuns dils organs communalas per la perioda d'uffeci 2021/2024. Quellas succedan tenor las prescripziuns dalla constituziun communal e dalla lescha davart ils dretgs politics. Las davosas duas jamnas havein nus publicau en detagl la survesta dallas demissiuns e dils posts vacants. Las elecziuns dil cussegl da vischnaunca, dalla suprastanza communal, dalla cumissiun da gestiun e dil cussegl da scola han liug **dumengia, ils 27 da settember 2020**. Il vischinadis, partidas politics localas ni gruppas da silmeins 15 votant/-as san proponer entochen 30 dis avon l'elecziun candidats e candidatas per la suprastanza communal (president communal ed in post da gerau vacant), pil cussegl da vischnaunca (siat posts vacants), per la cumissiun da gestiun (treis posts vacants) e pil cussegl da scola (dus posts vacants). Las propostas ein da far a **scret e d'inoltrar entochen sil pli tard venderdis, ils 28 d'uost 2020** all'administraziun communal, caum postal 57, 7180 Disentis/Mustér. Il formular per inoltrar propostas per las elecziuns sco era il formular per las indicaziuns persunalas dallas candidatas e dils candidats ein publicai sin www.disentis.ch – Downloads – Administraziun.

Suprastanza communal



Informaziun

Plazza da rimnada da rumien a Raveras

Duront il di dalla fiasta naziunala da **sonda, igl 1. d'uoost 2020** sco era il firau da Nossadunna d'uoost **sonda, ils 15 d'uoost 2020** resta la plazza da rimnada da rumien a Raveras serrada.

Bien engraziament per Vossa capientscha.
Uffeci da baghegiar Disentis/Mustér

Pandemia da Covid-19

Augment dallas controllas dils concepts da protecziun

Lubientscha da menaschi per tuttas occurrenzas accessiblas publicamein. Sebasond sin la disposiziun digl uffeci da sanadad dil cantun Grischun dils 22 da fenadur 2020 ein las vischnaucas obligadas da pretender naven d'immediat ina damonda per mintga singula occurrenza ch'ei accessibla publicamein. La damonda ei el senn dalla disposiziun digl uffeci da sanadad dil cantun Grischun d'inoltrar all'administraziun communal. Alla damonda sto vegnir aschuntau in concept da protecziun che dat sclariment davart las mesiras da higiena e da protecziun ch'ei d'observar a caschun dall'occurrenza previda. Per ulteriur sclariment stat Ursina Murer dall'administraziun communal (tel. 081 920 36 30) mintgamai gliendisdis entochen venderdis naven dallas 9.00 entochen allas 12.00 bugen a Vossa disposiziun.

Suprastonza communal

Covid-19-Pandemie

Verstärkte Kontrollen von Schutzkonzepten

Betriebsbewilligung für alle öffentlich zugängliche Veranstaltungen. Gestützt auf die Verfügung des Gesundheitsamtes Graubünden vom 22. Juli 2020 sind die Gemeinden verpflichtet, dass bis auf Weiteres für jede öffentlich zugängliche Veranstaltung ein Gesuch eingereicht werden muss. Dem Gesuch muss im Sinne der Verfügung des Gesundheitsamtes des Kantons Graubünden ein Schutzkonzept über die Einhaltung der Hygiene- und Schutzmassnahmen anlässlich der Veranstaltung beigelegt werden. Für allfällige Auskünfte steht Ihnen Ursina Murer, Gemeindeverwaltung Disentis/Mustér (Tel. 081 920 36 30) jeweils von Montag bis Freitag von 9 bis 12 Uhr gerne zu Ihrer Verfügung.

Gemeindevorstand

Plan da quartier Latis, revisiun parziala Publicaziun ed exposiziun officiala

Sebasond sin art. 53 dalla lescha davart la planisaziun dil territori pil cantun Grischun (KRG/LPT) ed art. 18 dall'ordinaziun davart la planisaziun dil territori pil cantun Grischun (KRVO/OPT) ha la suprastonza communal decidiu ils 29 da zercladur 2020 d'exponer publicamein il sboz per la revisiun dil plan da quartier Latis dils 5 da schaner 1987.

Intent: La revisiun dil plan da quartier preveda (a) d'extender igl intschess pertuccau sin la parcella 2245 e (b) in regroupament da terren concernent il spazi dalla via (art. 28 OPT). Ulteriuramein vegn reglau la repartiziun dils cuosts sco era l'indemnisaziun concernent ils cuosts davart l'avertura dil quartier.

Cunfinaziun dil territori cumpigliau: Territori cumpigliau Latis incl. l'engrondaziun

Documents exponi:

- Prescripziuns tiel plan da quartier incl. annexas
- Cunfinaziun dil territori da planisaziun cumpigliau, proprietad veglia cun plan da zonas 1:500
- Proprietad nova e formaziun 1:500



- Via d'avertura parcella nr. 2239_1, project da construcziun, situaziun 1:500
- Via d'avertura parcella nr. 2239_1, project da construcziun, profil normal 1:50

Temps d'exposiziun: Naven dils 31 da fenadur entochen ils 31 d'uost 2020 (30 dis)

Liug d'exposiziun/temps: Casa communal, stanza nr. 10, duront las uras d'avertura da spurtegl.

Protestas: Encunter il sboz davart la revisiun dil plan da quartier Latis san personas che san far valer in interess digns da vegnir protegius, inoltrar enteifer 30 dis dapi la publicaziun ina protesta motivada alla suprastanza communal.

Disentis/Mustér, ils 27 da fenadur 2020
Suprastanza communal

Controlla da habitonts

Naschientscha

Amanda Deplazes, naschida ils 22 da fenadur 2020, feglia da Sabrina e Marc Deplazes.

Entschatta digl onn da scola 2020/21

Gliendisdis, ils 17 d'uost 2020

Cordial beinvegni per l'entschatta dil niev onn da scola!

L'entschatta digl onn da scola ei **gliendisdis, ils 17-8-2020 allas 7.45**. Il survetsch divin ha pli probabel liug suentermiezdi allas **14.00** en baselgia s. Gions. Silsuenter seradunan il cerchel scolastic ed il cussegl da scola ad ina seduta. **(Ils affons han liber.)**

Program pigl onn da scola 2020/21

Entschatta digl onn da scola 2020/21:

gliendisdis, ils 17-8-2020

scola

gliendisdis, 17-8-2020–venderdis, 9-10-2020 8 j.

vacanzas d'atun

gliendisdis, 12-10-2020–dumengia, 25-10-2020 2 j.

scola

gliendisdis, 26-10-20–mesjamna, 23-12-2020 8½ j.

vacanzas da Nadal

gievgia, 24-12-2020–mardis, 5-1-2021 2 j.

scola

mesjamna, 6-1-2021–venderdis, 26-2-2021 7½ j.

vacanzas da sport

gliendisdis, 1-3-2021–dumengia, 7-3-2021 1 j.

scola

gliendisdis, 8-3-2021–venderdis, 16-4-2021 6 j.

vacanzas da primavera

gliendisdis, 19-4-2021–dumengia, 2-5-2021 2 j.

scola

gliendisdis, 3-5-2021–venderdis, 25-6-2021 8 j.

finiziun digl onn da scola 2020/21,

venderdis, 25-6-2021

entschatta digl onn da scola 2021/22:

gliendisdis, 16-8-2021 (7 jamnas vacanzas da stad)

firaus e dis libers:

<i>Numnasontga (dumengia)</i>	1-11-2020
<i>s. Martin (fiera)</i> (suentermiezdi liber)	9-11-2020



<i>scolaziun interna</i>	
(ils affons han liber igl entir di)	11-11-2020
<i>di da romontsch 2020</i>	
(ils affons han liber igl entir di)	25-11-2020
<i>til da tscheiver 2021</i>	13-02-2021
<i>gliendisdis tscheiver</i>	15-02-2021
<i>mesjamna dalla tschendra</i>	17-02-2021
<i>s. Giusep (venderdis)</i>	19-03-2021
<i>Pastgas</i>	2-4-2021 tochen 05-04-2021
<i>Anceinza</i>	13-05-2021
<i>di da punt (liber per tut/-tas)</i>	14-05-2021
<i>Gliendisdis Tschuncheismas</i>	24-05-2021
<i>Sontgilcrest</i>	03-06-2021

repartiziun dallas classas onn da scola 2020/21

<i>scoletta</i>	Pia Condrau/Petra Pally
<i>sustegn lungatg scoletta</i>	Andrea Schmed
<i>1. classa primara</i>	Riccarda Caduff
<i>2. classa A primara</i>	Yvonne Flepp- Venzin
<i>2. classa B primara</i>	Ladina Bearth
<i>3. classa primara</i>	Michel Andriuet
<i>4. classa primara</i>	Roger Tuor
<i>5. classa primara</i>	Bruno Flepp
<i>6. classa primara</i>	Gion Tenner
<i>scolasta dil fatg primara</i>	Sabrina Capaul-Sgier
<i>pedagogas curativas</i>	Stefania Ritter/Olinda Hosang
<i>1. reala</i>	Fabian Tschuur
<i>2. reala</i>	Aluis Hosang
<i>3. reala</i>	Aluis Hosang
<i>scolast dil fatg superiura</i>	Kai Hinrichsen
<i>1. secundara</i>	Christoph Berger
<i>2. secundara</i>	Gabriel Venzin-Marty
<i>3. secundara</i>	Adrian Pally
<i>zambergiar textil</i>	Catarina Steger, Irena Flepp
<i>cuschinar/tenercasa</i>	Irena Flepp
<i>scolasta talian facultativ</i>	Regula Arpagaus
<i>religiun</i>	Corina Defuns, Olinda Hosang, Aluis Hosang

urari da transports da scola 2020/21 Mompé Medel

<i>Mompé Medel</i>	<i>Mustér</i>
7.20	7.29
<i>Mustér</i>	<i>Mompé Medel</i>
11.25	11.34
(mesjamna mo in viadi allas 11.25)	
<i>Mompé Medel</i>	<i>Mustér</i>
13.20	13.29
<i>Mustér</i>	<i>Mompé Medel</i>
16.25	16.34

viadi suentermiezdi, sulet mardis e gievgia suentermiezdi

Mompé Tujetsch–Segnas–Buretsch–Cuoz

MGB	<i>Mompé Tujetsch</i>	<i>Segnas</i>	<i>Mustér</i>
(Bahnersatz)	7.10	7.16	7.25
transport	<i>Mustér</i>	<i>Segnas</i>	<i>Mompé Tujetsch</i>
cun bus	11.25	11.32	11.35
transport	12.14	12.20	12.23
cun tren			
transport	<i>Mompé Tujetsch</i>	<i>Segnas</i>	<i>Mustér</i>
cun bus	13.18	13.25	13.32



transport	<i>Mustér</i>	<i>Segnas</i>	<i>MompéTujetsch</i>
cun bus	16.25	16.31	16.34

Pardomat–Disla

	<i>Cavardiras</i>	<i>Pardomat</i>	<i>Disla</i>	<i>Mustér</i>
	7.10	7.15	7.24	7.29
	<i>Mustér</i>	<i>Pardomat</i>	<i>Cavardiras</i>	
	11.25	11.35	11.40	
(mesjamna)	12.15	12.25 1	2.30	
	<i>Cavardiras</i>	<i>Pardomat</i>	<i>Disla</i>	<i>Mustér</i>
	13.10	13.15	13.24	13.29
	<i>Mustér</i>	<i>Pardomat</i>	<i>Cavardiras</i>	
	16.25	16.35	16.40	

Dapli informaziuns anfleis Vus sut
www.scoladisentis.ch.
Ina buna entschatta e sin bien seveser!

Nossa scola populara Mustér

Concerts da stad ella Caplutta d'Acletta, Mustér

Dumengia, ils 2 d'uost 2020, allas 17.30.

2. concert (cun apero): Ensemble Ars Amata Zürich Trios e quartet cun flauta, violina, viola e violoncello
Ovras da Mozart, Beethoven, Bach, Berens
Reservaziun: Papeteria Hosang, 081 936 43 36, info@hosang-disentis.ch

Inserat!

Sommerkonzerte in der Kapelle Acletta, Disentis

Sonntag, 2. August 2020, 17.30 Uhr

2. Konzert (mit Apéro): Ensemble Ars Amata Zürich Trios und Quartett für Flöte, Violine, Viola und Violoncello Werke von Mozart, Beethoven, Bach und Berens
Reservation: Papeterie Hosang, 081 936 43 36, info@hosang-disentis.ch

Inserat!

Seniora-Ca

Covid-19 ei veramein buc aunc svanius – anzi – el sededesta empau dapertut! Nus savein leger ed udin da tuttas reacziuns, mo tuts/tuttas speran il medem – dumignar el sut controlla!

Pre-informaziun

Seniora-Ca enquera occurrenzas pusseivlas (excursiuns/sentupada(s) tenor prescripziuns...) per saver dar eventualmein in'enschatta il meins da settember! Bunas ideas ein beinvegnidas!
Annunziei a Linus Maissen (081 947 50 30) ni a Puntreis (081 929 56 56). Bien engraziament.

Post d'informaziun Seniora-Ca



Vischinadi Disla Cavardiras

Invitaziun alla radunonza extraordinaria

Venderdis, ils 14 d'ust 2020 allas 20.15 ell'ustria «Fravia» a Disla.

A stetia participaziun envida

la suprastonza